

Ina brochura explitgescha la politica e la confederaziun

■ (anr/vi) La chanzlia federala publichescha puspè «La confederaziun en furma concisa 2014». La brochura porscha infurmaziuns actualas davart la politica, davart l'administraziun e la dretgira federala. In e scadin po retrair gratuitamain la publicaziun. Co sa cumpona il parlament a Berna? Pertge dura quai mintgatant onns fin ch'ina lescha va en vigur? Quantas personas lavuran en l'administraziun federala? Talas dumondas tracta «La confederaziun en furma concisa» che la chanzlia federala edescha mintg'onn. La publicaziun dad 80 paginas sa drizza a tuts che s'interesschan per ils affars statals da la Svizra. Pliras scolas medias e scolas professiunals dovran la brochura en l'instrucziun civica.

Per ils texts ha la chanzlia collavrà cun ils servetschs parlamentars, cun ils departaments e la dretgira federala. Graficas dilucideschan e cumpletteschan il scrit e fotografias mussan emploiads da la confederaziun en differentas funcziuns.

Corina Casanova ha scrit l'editorial. La chanceliera federala raquinta d'ina ambassadura d'in pajais asiatic ch'era pir intginas emnas sco giast en Svizra. A la staziun da Turitg ha questa ambassadura prendì il tren per Berna che partiva en paucas minutas. Lura ha ella vesì tras la fanestra il president da la confederaziun che sbrìgava en l'ultim mument vers il tren faschend smanis: «Dus patratgs sajan vegnids endament a l'ambassadura observond la scena. L'emprim: Tge? Il president da la Svizra va cun il tren? Il segund: Il tren n'avev betg spetgà sin il president e fiss simplamain partì. Duas chassas inimaginablas en il pajais da l'ambassadura.»

La brochura cumpara en in'ediziun da 237 000 exemplars en las quatter lin-



Cuverta da la brochura che cumpara er en lingua rumantscha.

MAD

guas naziunales ed en englais. Ins po retrair gratuitamain «La confederaziun en furma concisa 2014» sut [\[publikationen.admin.ch\]\(http://publikationen.admin.ch\) u tar il Bundesamt für Bauten und Logistik a Berna.](http://www.bundes-</p></div><div data-bbox=)